

Proceso pa haci peticion pa drenta cas di cuido di S.A.B.A.



Ken por hasi peticion pa admision?

Tur persona cu ta desea por haci un peticion pa admision den un cas di cuido di SABA. Admision ta depende sinembargo di e urgencia di e caso.

Con ta cuminsa e proceso pa hasi e peticion?

E prome paso ta pa registra na un di e localidadnan di Fundacion di Cuido General di Anciano, esta S.A.B.A.

Actualmente S.A.B.A. tin 3 localidad:
Paviljoen na Oranjestad,
Huize Maris Stella na Savanta y
Centro di Cuido na Palisiaweg.

Kico ta e siguiente paso?

Despues di registracion, ta ricibi un copia di e inscripcion (cu firma y stempel di trahador di SABA).

E di dos paso ta pa entrega e copia aki na e Departamento di Asuntonan Social. (oficina di bo distrito) y haci un cita cu un trahador social pa hasi un OARS.

(Un OARS ta un lista basta largo di preguntanan cu e persona concerni mester contesta pa asina determina e urgencia di e peticion).



Ken tur por haci e evaluacion, of un asina yama OARS?

- Un trahador social di Departamento di Asunto Social.
- Un enfermera(o) di Wit Gele Kruis por haci OARS pa tur nan clientenan activo.
- Un trahador social di Hospital por hasi OARS pa patientnan. (lesa siguiente pregunta)
- Un trahador social of enfermera(o) di SPD por haci OARS pa clientenan di SPD.

Kico ta pasa ora un cliente ta den hospital?

- A)** E trahador social di hospital ta haci e OARS ora un patient tin un indicacion social (cliente cu a permanenece mas di dos luna den hospital sin indicacion medico).
- B)** Sin indicacion social un trahador social di Departamento di Asunto Social lo pasa hasi e OARS na cas, despues cu e cliente sali for di hospital.

Cu ken ta tene e entrevista?

Preferibel cu e cliente mes y/of e persona cu ta cuida e cliente.

Si ta trata di un cliente cu no por comunica bon, ta haci e entrevista cu e persona cu ta cuida e cliente.

E trahador social ta bishita y sera conoci cu e cliente na su cas.

Ken ta determina e necesidad di cuido?

E comicion di indicacion cu ta consisti di diferente organisacion, ta determina esaki a base di e evaluacion (OARS) ki sorto y nivel di cuida e cliente tin mester.

E evaluacion ta tene cuenta cu aspectonan social, mental, fisico, economico y ADL (actividad di bida diario).

Ken ta forma e comicion di indicacion?

Den e comicion di indicacion tin representantenan di diferente organisacion:

- Dienst Ouderenzorg
- Directie Sociale Zaken
- Stichting Wit-Gele Kruis
- S.A.B.A.
- Dokter
- Hospital
- SPD

Con y ken ta scohe esnan pa drenta cas di anciano?

A base di necesidad y urgencia di cuida e persona su nomber ta bai ariba e lista di espera (wachlijst).

S.A.B.A. ta interna personanan cu ta riba e lista di espera, y ta hasi esaki a base di .

lugar disponibel den e localidadnan di SABA cu ta specifico y adecua pa e persona.

Kico ta pasa si bo situacion cambia?

Ta importante pa informa e comicion si tin cambionan den bo situacon, cu tin influencia ariba e necesidad y urgencia di e cuida. Hasi esaki door di manda un carta pa

Indicatie- en toewijzingscommissie
Dienst Ouderenzorg
Directie Volksgezondheid
Oduberstraat 2,
Oranjestad.

Of informa via un e-mail pa :
ouderenzorg@despa.gov.aw

A base di informacion nobo e comicion di indicacion por tuma e desicion pa hasi un re-evaluacion.

Pa mas informacion por yama e sigiente instancianan:

- Dienst Ouderenzorg na Directie Volksgezondheid: Tel: 5224345
- Departamento Asunto Social, Tel: 5281100
- S.A.B.A.: 5842201



